



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

URED PREDSJEDNIKA I DOPREDSJEDNIKA

Broj: 01-4-03-3-1433/20

Sarajevo, 19.11.2020. godine

BOSNA I HERCEGOVINA

MINISTARSTVO KOMUNIKACIJA I TRANSPORTA

Trg BiH 1, 71000 Sarajevo

N/r g. **Vojin Mitrović**, ministar

PREDMET: Prednacrt Pravilnika o izmjenama i dopunama Pravilnika o certificiranju vozila i uvjetima koje organizacije za certificiranje vozila moraju ispuniti, i Nacrt pravilnika o homologaciji vozila – Mišljenje Vanjskotrgovinske komore Bosne i Hercegovine, *traži se*

Uvaženi ministre,

Ministarstvo komunikacija i transporta Bosne i Hercegovine je na službenoj web stranici (<http://www.mkt.gov.ba/Content/OpenAttachment?id=981ae44e-2fce-44a1-b123-57c8d2ef1f8f&lang=bs>) započelo proces javnih konsultacija o Prednacrtu Pravilnika o izmjenama i dopunama Pravilnika o certificiranju vozila i uvjetima koje organizacije za certificiranje vozila moraju ispuniti, koji je otvoren do 21.11.2020. godine. Također, u periodu od 16.10. do 2.11.2020. godine na službenoj web stranici Ministarstva (<http://www.mkt.gov.ba/Content/OpenAttachment?id=08ce4d7d-e811-4531-8a69-4eb7319d0bbc&lang=bs>) bio je otvoren i proces javnih konsultacija o Nacrtu pravilnika o homologaciji vozila.

Do današnjeg dana u Vanjskotrgovinskoj komori Bosne i Hercegovine (u daljem tekstu: Komora) nismo zaprimili zvanični akt kojim se traži mišljenje Komore na naprijed navedeni Prednacrt/Nacrt Pravilnika.

Naime, kao što je i do sada bila praksa, Ministarstvo komunikacija i transporta BiH se zvanično obraćalo Komori od koje je tražilo dostavljanje mišljenja na različite nacрте, odnosno prednacрте pravnih akata. Navedena obaveza pribavljanja mišljenja Komore direktno proizilazi iz člana **7. Zakona o Vanjskotrgovinskoj komori Bosne i Hercegovine ("Službeni glasnik BiH" br: 30/01 i 72/13)**.

Ovim putem želimo istaći da Komora ima interesa za davanjem mišljenja na navedene akte, posebno imajući u vidu da pri Komori djeluju Udruženje međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika, čime i Komora ima obavezu provođenja procedure traženja mišljenja od članova navedenih Udruženja.

Također, napominjemo i da je Komora dana 08.10.2019. godine uputila Ministarstvu komunikacija i transporta Bosne i Hercegovine akt broj: 01-4-01-4-1353-2/19, pod nazivom: Inicijativa za izmjenu Pravilnika o homologaciji vozila, dijelova uređaja i opreme vozila (Sl.Glasnik BiH, br. 41/08), iz čega proizilazi da je Komora svakako zainteresovana strana za učesće u kreiranju navedenog Pravilnika.





VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

Kako je tekst Pravilnika o izmjenama i dopunama Pravilnika o certificiranju vozila i uvjetima koje organizacije za certificiranje vozila moraju ispuniti objavljen u fazi prednacrt, a u cilju kreiranja i dostavljanja konačnog mišljenja Komore, tražimo da Ministarstvo komunikacija i transporta BiH, nakon utvrđivanja finalnog teksta Nacrta Pravilnika, isti dostavi Komori na razmatranje, u skladu sa članom 7. Zakona o Vanjskotrgovinskoj komori Bosne i Hercegovine.

S poštovanjem,

P R E D S J E D N I K

Doc.dr. Vjekoslav Vuković



Prilog:

- Dopis VTK BiH, broj: 01-4-01-4-1353-2/19 od 08.10.2019.g.

Dostavljeno:

- *Naslovu,*
- *03 a/a,*
- *a/a.*



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>